



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-640-4/22**  
Datum: **29.03.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica «SUŠA-COMMERCE» d.o.o. Visoko za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov junadi (bikova) u naselju Kološići, općina Visoko, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o vodnoj dozvoli**

1. Pravnom licu «SUŠA-COMMERCE» d.o.o. Visoko daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov junadi (bikova) kapaciteta oko 500 grla, izgrađenog u naselju Kološići na zemljištu označenom kao k.č. broj: 760/5 i 764/2 K.O. Kološići, općina Visoko.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
  - 2.1. Da se upotreba i korištenje predmetnog objekta Farme za tov junadi (bikova) vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se objekti čija je svrha prikupljanje i odvodnja otpadnih voda nastalih u postupku pranja i čišćenja objekta redovno održavaju i koriste na način koji će obezbijediti njihovu potpunu ispravnost i funkcionalnost.
  - 2.3. Da se privremeno i trajno zbrinjavanje otpada od uginulih životinja i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
  - 2.4. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
  - 2.5. Da se obavezno praktikuje suho čišćenje objekta prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
  - 2.6. Da se u periodu važenja ove vodne dozvole izgradi nadstrešnica na lokalitetu lagune/odlagališta đubriva i krutog otpada (prostirka) kako je predviđeno projektnom dokumentacijom na osnovu koje je za predmetni objekat od strane Agencije dana 03.09.2020. godine doneseno Rješenje o VS broj: UP-I/25-2-40-362-2/20.
  - 2.7. Čišćenje i pražnjenje vodonepropusne sabirne/osočne jame bez preljeva, može vršiti isključivo firma ovlaštena za tu vrstu djelatnosti, prema posebnom ugovoru.
  - 2.8. Vlasnik odnosno korisnik objekta je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
  - 2.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 1 (jedne) godine od dana pravosnažnosti ovog rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### O b r a z l o ž e n j e

Pravno lice «SUŠA-COMMERCE» d.o.o. Visoko, dana 02.12.2022. godine, podnijelo je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov junadi (bikova) kapaciteta oko 500 grla izgrađenog u naselju Kološići na zemljištu označenom kao k.č. broj: 760/5 i 764/2 K.O. Kološići, općina Visoko a u postupku pribavljanja upotrebne dozvole.

- U provedenom postupku dostavljena je i pregledana sljedeća dokumentacija:
- Ovjerena kopija Rješenja o izmjenama podataka u sudski registar broj: 043-0-Reg-20-000877 izdatog dana 18.09.2020. godine od strane Općinskog suda u Zenici,
  - Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-2302-2/07 izdatog dana 27.06.2007. godine od strane Uprave za indirektno-neizravno oporezivanje Banja Luka,
  - Ovjerena kopija Uvjerenja o poreznoj registraciji izdatog dana 21.01.2011. godine od strane Porezne uprave Federacije BiH-Kantonalni ured Zenica,
  - Kopija Rješenja o odobrenju za građenje broj: 12-19-5676/20 izdatog dana 25.09.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
  - Kopija Rješenja o okolinskoj dozvoli broj: 12-19-02655/20 izdatog dana 20.06.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
  - Kopija Rješenja o okolinskoj dozvoli broj: UPI 05/2-02-19-5-92/21 SC izdatog dana 16.08.2022. godine od strane Federalnog ministarstva okoliša i turizma,
  - Kopija Rješenja o vodnoj dozvoli broj: UP-I/25-3-40-515-4/20 izdatog dana 02.12.2020. godine od strane «Agencije za vodno područje rijeke Save» Sarajevo,
  - Glavni projekat-vanjske hidroinstalacije: Farma za tov bikova u naselju Kološići- Visoko, urađen od strane «PERSPEKTIVA-inženjering» d.o.o. Visoko (šifra: 70.VS.PER.VIII/20, avgust 2020. godine) - na uvid,
  - Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-515-4/20 od 02.12.2020. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Na osnovu očitovanja Službe za prikupljanje prihoda od vodnih naknada od 13.12.2022. godine konstatovano je da podnosilac zahtjeva «SUŠA COMMERCE» d.o.o. Visoko redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog objekta u naselju Kološići, grad Visoko dana 13.01.2023. godine i tom prilikom je sačinjen Zapisnik o uviđaju broj: UP-1/21-3-40-640-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Predmetni objekat farme za tov junadi (bikova) je izgrađen u naselju Kološići, grad Visoko u sklopu kompleksa objekata vlasništvo «SUŠA-COMMERCE» d.o.o. Visoko.

Predviđeni kapacitet farme je oko 500 grla po turnusu. Kruti otpad (prostirka) i đubrivo se, do konačne dispozicije na poljoprivredne površine u vlasništvu Investitora, prikuplja u armirano-betonskom odlagalištu/laguna bez izgrađene nadstrešnice. Osoka se prikuplja u osočnoj jami bez ispusta u koju se prikupljaju i vode od pranja objekta nakon završenog turnusa uzgoja.

Projektnom dokumentacijom na osnovu koju je za predmetni objekat od strane Agencije doneseno Rješenje o VS broj: UP-I/25-2-40-362-2/20 dana 03.09.2020. godine predviđena je izgradnja nadstrešnice na lokalitetu lagune/ odlagališta đubriva i krutog otpada.

Obzirom da uposlenici koriste sanitarni čvor u susjednom objektu izgrađenog kompleksa, u predmetnom objektu farme ne nastaju sanitarno-fekalne otpadne vode. Snabdijevanje vodom obezbijeđeno je iz vlastitog vodovodnog sistema izgrađenog za cijeli kompleks.

Za predmetni objekat isti nije ishodovana upotrebna dozvola – u toku je ponovljeni postupak tehničkog pregleda.

Za predmetni objekat izdato je Rješenje o okolinskoj dozvoli broj: 12-19-02655/20 dana 20.06.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona. Za kompleks objekata vlasništvo «SUŠA-COMMERCE» d.o.o. Visoko od strane Federalnog ministarstva okoliša i turizma izdato je dana 16.08.2022. godine Rješenje o okolinskoj dozvoli broj: UPI 05/2-02-19-5-92/21 SC.

Razmatrajući podneseni zahtjev, na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi u skladu sa odredbama člana 115 do 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, pravno lice «SUŠA-COMMERCE» d.o.o. Visoko ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta Farme za tov junadi (bikova) u naselju Kološići, općina Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-640-2/22 od 05.01.2023. godine.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

### Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.grad.

Po ovlaštenju:

Rukovodilac sektora za izdavanje vodnih akata



*Haris Ališehović*

Haris Ališehović, dipl.ing.grad.

Dostaviti:

- «SUŠA-COMMERCE» d.o.o. Visoko  
Donja Zimča bb, 71300 Visoko
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava